

Обретение круга солнечного. Круг солнечный от месяца октября и восходит даже до 28 лет, и паки приходит к первым своим чертам, по божью повелению обращаешя. Обрящещи же сего сиче: удержи рукою своею малая лета веком //: сиречь по настоящего лета 70; от них же отими 4 и раздели 65* лет оставших на 28 и сочти сиче дважды по 20 и по 8, и того всего будет 56 и оставиша прочее 10, и рцы сиче: то есть круг солнечный десятый. л. 7 об.

Сказание о лунном крузе. Лунный круг начинается от генваря месяца и восходит 19 лет и паки приходит к первым своим чертам, едиными 70-ю лета, но токмо разным счетом. Рцы сиче: 70 лет, от них же остави два лета, и те останешныя лета, 68 лет раздели на 19 лет. И того будет, и рцы сиче трижды по 19 лет, и будет 57 лет, и оставиша прочее 11 лет и то есть 11 лунный круг.

Повнегда же обрящещи вышеписанныя круги солнца и луны, зри на страну ону и настоящего числа лунного // круга держи перстом левая своя рука, на продолжение десницу свою положив на числе солнечного круга, и внегда противу достигнеши писменного схода, идеже лежит персть* левая рука твоя, ту есть христианом пасха. л. 8

Предисловие о марте месяце. Сей убо месяц март начаток всем месяцам и первый наречется богом и угодником его законодавцем Моисеом.^т От сего убо учими бываем всякими богом соделанными семь великих светил и дванадесять животных стихий, что писанны в свитце и вручены бывше первым на земли людям, Сифу и Афету — прадеда нашего Адам-лим детем, и тии первии на земли быша дьяки. И по сем богом врученном им свитку вся преходящая в тверди по поясом, Сиф и Афет, сыны // Адамли, живуще на земли и сочтоша, и пробавишася в житии до столпотворения. И устроиша на сей свиток два столпа: един столп каменной, второй же столп глиняной. И уразумеша, что за их прегрешения будет божие посещение всему миру человеческому от огня или от воды. И написаха едиными буквы два свитка, и вознесоша на столпы. И паки на столпах видевшие вся преходящая по поясом, как писано в свитках и прорекоша родовом человеческим сиче: «Аще будет божие посещение от огня, то спасется столп глиняной, аще ли будет божие посещение от воды, то спасется столп каменной». И после потопа остана столп каменной и сняша людие со^у столпа свиток. И пробавися той свиток до римскаго миротворения^ф и богоугодником Моисеом первые наречеса месяц март^х, от сего убо буди // учими все родове человечестии всякими богом соделанными и на послушание от небытия в бытие претворенная яве, еже от месяца марта от земли вся животная стихии, и возвращаема* всякая былия, дресва и листовие процветоша, и корение их в земли возвеселишася. Тогда же и небесем яснейшим бывати, и морю тихостию преходящу быти, еже от земнаго пооблачения мглам премоушимся. л. 8 об.

В сем месяце в 21 день создан бысть человек рукою божиею, в сем месяце израильтестии* людие фараоничныя руки отпушчени быша, и Чермное море проидоша и пасху свершиша в сем месяце и во обетованную землю внидоша, сиречь в познание от тмы истиннаго бога, то бо и обетованная земля наречеса. В сем бо месяцы сын божий сниде на землю нашего ради спасения и вселися во блаженное чрево приснодевы пресвятыя Богородицы. Сын божий плоть от нея прием, и по сем креста ради смерть восприим // и воскресение нам боголепно обнови. О братие, в сем нам общее воскресение будет и всемирный его праведный суд, и всеконечному и неотрешенному оставлению в нем избавитися. Еже изрещи, некоему месяцу пролетна постигновения имать рещи, яко в том обретаются вся пролетная бывати, будущая же и възбываемая. Сие же во еуреех "нисан наречется"; а еже от Итталии* — первое примос, по- л. 9 об.

^{т-х} Вставка, разбивающая текст о месяце марте. У Испр., в ркп. нет.
^ф Калька с латинского *Rex Romanus*. ^{п-ч} Испр., в ркп. писання речется.